

საქართველოს მთავრობის 2016 წლის 23 დეკემბრის 567 დადგენილების „არაცხოველური წარმოშობის სურსათის/ცხოველის საკვების უვნებლობის სასაზღვრო კონტროლის წესის დამტკიცების შესახებ“ დანართი N5-ით დამტკიცებული „საერთო შესვლის დოკუმენტის შევსების წესი“

არაცხოველური წარმოშობის სურსათის/ცხოველის საკვების უვნებლობის კონტროლს დაქვემდებარებული საქონლის შემოტანისას წინასწარი შეტყობინება უნდა გაკეთდეს შემოსავლების სამსახურის ვებ-გვერდზე: www.rs.ge;

საერთო შესვლის დოკუმენტის შევსების წესი

ნაწილი I. ინფორმაცია ტვირთის შესახებ – ივსება სურსათის/ცხოველის საკვების მფლობელის ან მისი წარმომადგენლის მიერ და ჩაიწერება შემდეგი მონაცემები:

გრაფა I.1 გამომგზავნი/ექსპორტიორი – ფიზიკური ან იურიდიული პირის (სურსათის/ცხოველის საკვების გამომგზავნის) დასახელება და მისმართი, რომელიც აგზავნის ტვირთს. სასურველია ტელეფონის, ფაქსის ნომრების ან ელ. ფოსტის მითითებაც.

გრაფა I.2

საერთო შესვლის დოკუმენტის სარეგისტრაციო ნომერი – უნიკალური საიდენტიფიკაციო ნომერი (ID ნომერი), რომელიც წინასწარი შეტყობინების წარდგენისას პროგრამულად ენიჭება დოკუმენტს.

სასაზღვრო ინსპექციის პუნქტი – სასაზღვრო ინსპექციის პუნქტი, საიდანაც განხორციელდება სურსათის/ცხოველის საკვების საქართველოში შემოტანა;

კოდი - სასაზღვრო ინსპექციის პუნქტის კოდი კლასიფიკატორის შესაბამისად.

გრაფა I.3 საქონლის მიმღები – ფიზიკური ან იურიდიული პირის დასახელება და მისმართი, რომელიც მიიღებს ტვირთს. სასურველია ტელეფონის, ფაქსის ნომრების ან ელ. ფოსტის მითითებაც.

გრაფა I.4. ტვირთზე პასუხისმგებელი პირი – ტვირთის მფლობელი ან მისი წარმომადგენელი, რომელიც პასუხისმგებელია ტვირთის წარდგენასა და დეკლარირებაზე. სასურველია ტელეფონის, ფაქსის ნომრების ან ელ. ფოსტის მითითებაც.

გრაფა I.5 წარმოშობის ქვეყანა – ქვეყანა, სადაც სურსათი/ცხოველის საკვები იქნა მოყვანილი, შეგროვებული, მოპოვებული და წარმოებული.

გრაფა I.6 გამომგზავნი ქვეყანა – იმ ქვეყნის დასახელება, სადაც საქონელი ჩაიტვირთა სატრანსპორტო საშუალებაში უშუალოდ დანიშნულების ქვეყანაში გადასაზიდად.

გრაფა I.7 იმპორტიორი – იმპორტიორის დასახელება და მისმართი. სასურველია ტელეფონის, ფაქსის ნომრების ან ელ. ფოსტის მითითებაც.

გრაფა I.8 დანიშნულების ადგილი – ტვირთის საბოლოო დანიშნულების ადგილის მისამართი. სასურველია ტელეფონის, ფაქსის ნომრების ან ელ. ფოსტის მითითებაც.

გრაფა I.9 სასაზღვრო ინსპექციის პუნქტში სავარაუდო შემოსვლის თარიღი - ტვირთის შესვლის სავარაუდო თარიღი.

გრაფა I.10 დოკუმენტები – საჭიროების შემთხვევაში ტვირთის ყველა თანმხლები დოკუმენტი, მათი გაცემის თარიღი და ოფიციალური ნომერი.

გრაფა I.11 სატრანსპორტო საშუალებები – დეტალური ინფორმაცია საქონლის/ტვირთის გადამადგილებელი სატრანსპორტო საშუალების შესახებ: საჰაერო ტრანსპორტისას რეისის ნომერი, საზღვაო ტრანსპორტისას გემის სახელწოდება, საავტომობილო ტრანსპორტისათვის რეგისტრაციის ნომერი და მისაბმელის ნომერი, ასეთის არსებობის შემთხვევაში. სარკინიგზო ტრანსპორტისათვის მატარებლის და ვაგონის ნომერი. სატრანსპორტო დოკუმენტის ნომრები: ავიაზედდებულის ნომერი, სარკინიგზო ზედნადების ნომერი, კონოსამენტის, სატრანსპორტო ზედნადების ან TIR-წიგნაკის ნომერი.

გრაფა I.12 ტვირთის აღწერილობა – ტვირთის დეტალური აღწერილობა (ცხოველის საკვების შემთხვევაში საკვების სახეობა).

გრაფა I.13 საქონლის სეს ესნ კოდი – საქონლის სეს ესნ კოდი, როგორც ეს განსაზღვრულია „საგარეო-ეკონომიკური საქმიანობის ეროვნული სასაქონლო ნომენკლატურის (სეს ესნ) დამტკიცების თაობაზე“ საქართველოს ფინანსთა მინისტრის 2012 წლის 11 ივლისის №241 ბრძანებით.

გრაფა I.14

ბრუტო წონა: მთლიანი წონა კილოგრამებში, პროდუქტების წონასთან ერთად იგულისხმება შეფუთვისა და კონტეინერის წონა, გარდა სატრანსპორტო კონტეინერების სხვა სატრანსპორტო მოწყობილობების წონისა.

ნეტო წონა: რეალური წონა კილოგრამებში, შეფუთვის გარეშე.

გრაფა I.15 შეფუთვის რაოდენობა – შეფუთვების რაოდენობა;

გრაფა I.16 ტემპერატურული რეჟიმი – ტრანსპორტის/შენახვის ტემპერატურული რეჟიმი

გრაფა I.17 შეფუთვის სახე – პროდუქტის შეფუთვის სახე.

გრაფა I.18 ტვირთი განკუთვნილია –

თუ ტვირთი განკუთვნილია ადამიანის მოხმარებისათვის შემდგომი დახარისხების ან გადამამუშავების გარეშე, მოინიშნება – „ადამიანის მოხმარებისთვის“;

თუ ტვირთი დახარისხების ან გადამამუშავების შემდგომ განკუთვნილი იქნება ადამიანის მოხმარებისთვის, მოინიშნება – „შემდგომი გადამამუშავებისთვის“;

თუ ტვირთი განკუთვნილია ცხოველის საკვებად, მოინიშნება – „ცხოველის საკვებად“.

გრაფა I.19 ლუქის ნომერი და კონტეინერის ნომერი – მიეთითება შესაბამისი ნომრები, ასეთის არსებობის შემთხვევაში;

გრაფა I.20 გადაადგილება – სხვა კონტროლის ზონაში ტვირთის გადამისამართების შემთხვევაში მიეთითება შესაბამისი კონტროლის ზონა/კოდი.

გრაფა I.21 არ ივსება.

გრაფა I.22 იმპორტისთვის – მოინიშნება ავტომატურად.

გრაფა I.23 – არ ივსება.

გრაფა I.24 გადაადგილების სატრანსპორტო საშუალება სხვა სიბ-მდე – ივსება სატრანსპორტო საშუალების შეცვლის შემთხვევაში და მიეთითება სატრანსპორტო საშუალების სახეობა და მისი საიდენტიფიკაციო მონაცემები.

გრაფა I.25 დეკლარაცია – ტვირთზე პასუხისმგებელი პირის მონაცემები და ხელმოწერა, დოკუმენტის შევსების თარიღი და ადგილი.